

剡源鄉志卷九

奉化趙霈濤 醉仙甫纂

人物傳一

初意將另立藝術一門繼思藝術亦無多人況鄉志與縣志不同故總括之以自能清而出之

唐

徐浩目稱四明山人

寶慶志引唐書藝文志案大德昌國州圖志列浩為昌國名賢實

無確證 乾元二年嘗進廣孝經十卷授校書郎非徐季

海也

乾道圖經二引藝文志

崔殷董純孝廟碑記浩所書

圖經一寶

慶志十一 蓋郡中之寶云

圖經一案董君碣銘或為徐季海所書亦未可知今姑附合

剡源鄉志

卷九

人物傳一

一

於四明之徐浩也

鄞徐時棟校勘記案唐藝文志孝經類云徐浩廣
孝經十卷浩稱四明山人小學類云徐浩書譜一
卷古迹記一卷考季海本傳稱其善書書譜古迹
為季海所作無疑作唐書者以季海已有專傳無
庸更述故但曰徐浩而已至廣孝經則別一徐浩
作唐書者惟恐相混故特注云浩稱四明山人義
例甚明三書斷非一人作也然則寶慶志失於裁
斷尚為誤讀唐史者必如圖經及七觀始為精審
耳

陳棠台之泉水人

三石陳譜

唐末自長安使吳越遭亂不能

還錢氏留為奉化尉因居剡源之茅渚

戴良剡源九曲圖記

案棠縣志當補入職官表

五代

陳殿中監

戴良剡源九曲圖記

佚其名

新纂

當五代時以文學行義

潛焉吳越忠懿王親往顧之故名其地曰蹕駐

圖記

案查榆林柏阬二陳譜殿中監名景宏為顯之

子伸之父與忠懿王時代不符不足為據

宋

樊良忠翁州人嘗為監察御史

陳著撰樊君復墓誌銘

與王安石

論新法不合遂挂冠歸

參王恆撰傳水佳肩撰譜序

由翁州徙居

沙隄

君復墓誌

大觀四年卒年八十一

樊譜

入祀剡源先正

剡源鄉志

卷九

人物傳一

二

祠孫紱別有傳

陳顯字文昭

成化志雍正志

三石人

陳譜

第進士授主簿累遷至

戶部尚書

成化志

政和二年夏六月顯因對言再用蔡

京士民失望帝怒貶知越州顯不復仕歸四明

陳經通鑑

續編 隱於蜜巖

成化志

作冥菴以自晦

嘉靖志

全祖望

五年冬十月召為宣和殿學士

通鑑續編

辭不起

雍正志

嘗

註論語等書有平山文稿

嘉靖志

今蜜巖廟之神即顯

也入祀剡源先正祠

陳顥顯弟任司諫亦以疏詆蔡京謫監酒稅而卒

雍正志

顯弟顏字宰心政和三年進士授迪功郎顏子恭字謙光郡舉賢良爲邑令歷遷寶章閣待制三補耆舊傳顯入祀剡源先正祠

樊紱良忠孫以明經考選賜免解進士尙咸甯郡主陳著

譔樊君復墓誌銘後因蔡京用事歸隱剡川詩鈔紹興二十九年

卒年七十一樊譜有維揚曉發詩曰殘月猶懸夜開帆

風若何鳴雞催曉色舟子起吳歌一曲清江上三春

別興多野鷗無意緒閒臥對滄波詩鈔曾孫伯推能詩

據陳本堂集紱入祀剡源先正祠

剡源鄉志

卷九 人物傳一

三

案剡川詩鈔言哲宗時由明經考天下第一實沿樊譜之誤以樊譜紱卒年推之當生於哲宗元祐四年哲宗在位十五年即在元符之末紱年亦僅十二歲豈能應進士科耶

曹粹中字純老定海人寶慶志八居奉化三石本結埼亭集祖愼

微宣教郎父實奉議郎攻媿集粹中中宣和六年嘉靖案

志作三年進士丙科寶慶志師莊簡公李光即爲其壻莊簡

師元城結埼亭集其學問大率以躬行實用爲先真有冰

玉之譽攻媿集光與聞紹興國論秦檜欲一識粹中粹

中時待次無爲校官曰吾已有差遣見丞相何爲寶慶志

志語其妻曰汝父必不能與相久處光後貶海南粹

中不復仕延祐志自號放齋以著書爲樂有詩說三十

卷行於世寶慶志大旨據太始天皇之策包羲網罟之

章葛天之八閔康衢之民謠以爲詩本而瞻彼旱麓

以漢書地理志證之知爲旱山四月秀萸以爾雅本

草證之知爲遠志又引齊詩以定采蘋草蟲之先後

鮚埼亭集後張魏公浚力薦於朝通判建甯府延祐志不久

乞身而歸宋元學案贈中奉大夫攻媿集爲吾鄉之善士樓鑰

剡源鄉志

卷九

人物傳一

四

跋李莊簡與其壻曹純老帖

入祀剡源先正祠

案宋元學案作贈侍講全謝山湖語注亦作侍講當以攻媿集爲正

劉濤字致遠奉化人幼孤歲冠始讀書一過目輒解大

義及壯該貫經史中紹興五年進士第調嚴州壽昌

縣尉兼主簿濤至邑發摘無隱人皆驚服盜賊屏跡

旋授徽州黟縣令邑民舊苦浮費貧困惟甚濤悉擷

節摩撫耄倪蘇息襦袴歡謠任滿知處州龍泉縣土

風吏滑民獷俗多誣詭濤乃籍凶役爲民害者磨勘

轉承議郎充淮東案撫司幹辦公事轉朝散郎通判
撫州郡昔饑疫民物故者眾不能具棺斂埋之野往
往風土不厚道旁白骨相屬募民收掘得數千骸埋
之義冢濤罷歸民皆遮道焚香羅拜越磨勘通判處
州丁母憂遂不赴比里公棠厥土燥剛禾鮮登界市
中鑿河灌溉民田一千餘畝復於鎮東建石橋開義
并甃闢道途直踰晦嶺延袤二十餘里晦嶺之西土
田尤廣濤復築王村俞村等堰霑浸兩岸二千餘畝
隄防損壞者悉加完補乾道八年卒年七十二當時

剡源鄉志

卷九

人物傳一

五

父老感其德立生祠於嶺巔

趙敦臨撰洪村廟記案卽小晦嶺

後移

建於小晦山麓入祀剡源先正祠

竺頎字碩夫

沈煥撰墓誌銘

董溪人

舒璘撰舒氏壙誌

寶元慶厯間七

世祖已能教子讀書高曾以來皆以長厚綿襲祖德
至頎益浸灌衍暢訓諸子親熏師友聽其言亶亶向
於篤厚不解習新進士而鄰里號稱善人屋壁窗戶
書前輩長者之名言當佩玉和鸞以繩己以勸其孫
子策勵觀省每逢會意直欲身踐之故臨死生之變
殆庶幾焉一日病呼諸子受其言其凡曰始死沐浴

襲含斂毋經婦人之手兄弟友恭毋忝前世親故先
周空乏富貴視如浮雲貧賤不可苟去無刻覈老窮
以利己無武斷鄉曲以來禍淳熙十年卒年六十五
子大年墓誌別有傳

樊康之良忠曾孫嘗從朱子晦菴游學者稱爲翠屏先

生陳著撰樊邦獲墓誌慶元五年卒年七十七樊譜子二長邦道

以文學稱次邦獲邦獲墓誌別有傳康之人祀剡源先正

祠

曹忠字困明粹中仲子天資穎悟記誦絕人十二能作

剡源鄉志

卷九

人物傳一

六

舉子業未冠已博綜經史百家之言天文地理與夫
天下形勢兵家之學靡不通貫詩章文賦命題立就
動輒驚人少嘗留題甯都金精山有曰手擎白日浴
滄海氣使列嶽如羣兒父見之爲失色且戒以立除
此等氣象見其留心詩文以爲當究經術務爲實學
其奉親盡於敬愛貧不足養恐貽親憂至躬負米之
勞父被疾衣不解帶藥必先嘗尤篤於友愛乾道三
年以父恩補將仕郎明年銓試上等授迪功郎爲平
陽主簿歷知江陵嘉興長溪縣通判楚州終福建轉

運司主管文字積階至朝請大夫其在平陽能聲已著上司委以事幾無虛日訟者亦多自請求決士民歸心去而挽留殆不容行侍郎曾逮自温除漕深知其才而薦之大卿辛棄疾帥江陵治盜素嚴有盜牛者配江州吏緣其意欲沈之江忠慨然稟白棄疾改容歎賞卒俾如令寸金隄去城二里實捍大江衝突之患歲役人夫數千具文而徒勞忠調夫均平躬自督課增卑培厚以爲永利又以農隙修築沿江官隄使前日巨浸衝決之地復爲膏腴流移歸業耕墾日

剡源鄉志

卷九

人物傳一

七

闢諸司公舉具載實蹟張南軒栻尤知忠引置簽幕權酷餘杭京尹尙書張杓韓彥質更薦之遂以更選公餘任刀筆之須談笑揮翰無難色嘉興劇邑且當孔道牒訴山積忠以五鼓秉燭治事遲明而畢人歎其敏旣至長溪棄疾帥閩以鬻鹽來委忠謂縣爲出產之地開國以來未嘗與民爭利持不可其在山陽尤悉邊事嘗論五事一乞令楚州守臣仍舊節制出戍軍馬二乞開壽河以爲山陽饋餉之備三乞申嚴淮禁四乞止用官會不必再印兩淮鐵錢交子五乞

開淮東荒田以實邊儲習邊事者皆以為當盅以氣
節自許攻苦食淡忍貧自克其屬文兼備眾體高宗
七十之慶一時文賦表頌獻於闕下者無慮千數盅
進賦篇無媿古作嘗歎曰識真者少從古以然知我
者希則我貴矣嘗聚書萬卷多手自讎校積學老而
不衰自號牧菴居士嘉泰二年卒年六十八葬禽孝
鄉童隩子孝忠孝先樓鑰撰墓誌孝先別有傳盅入祀剡
源先正祠

竺汝舟

寶慶志十四

字子靈號筠溪

竺譜

隱桃花阮山昔太白

剡源鄉志

卷九

人物傳一

八

禪師納交孤竹君之裔飛錫於此擇其地居之留偈
云昔是神仙窟今為長者居定須攀月桂宜教子孫
書後趙伯圭來守此邦因太白訪其後乃得汝舟覽
山川之勝歎先賢之裔嘉獎形諸尺牘沈端憲公誌
其事藏竺氏家寶慶志子大任竺譜挹其貌頎然以重聽
其言煖然以厚老成典型擅稱鄉曲陳著名竺果孫說大任
子鏞字九成據本堂集善以樂內文以彪外鍥薄事不到
口子瀉孫稷陳著名竺果孫說別有傳汝舟入祀剡源先正

祠

案趙伯圭康乾二志誤作王伯圭

陳仲顯孫醕德碩學為時所尊蒞政皆可師法與人未

嘗有競仕至國子祭酒慶元元年偽學之論起凡七

上章辨之竟以是去位通鑑續編尋拜吏部尚書成化志時

韓侂胄當國恆不樂欲去開禧二年侂胄議北伐伸

上書切諫通鑑續編侂胄怒成化志出伸為京湖宣撫使遂

致仕通鑑續編入祀剡源先正祠子德剛別有傳

陳侗伸弟有吏材開禧三年為湖北京西宣撫使知江

陵府所至以惠政聞通鑑續編入祀剡源先正祠

剡源鄉志

卷九

人物傳一

九

竺大年字耕道宋元學案號楓林特譜頎子沈煥竺碩夫墓銘性行嚴

重理學淹貫家法整肅鄉人皆化之宋元學案受業沈端

憲公煥所著有禮記訂義等書楊琪銘其墓康熙志嘉

定十七年卒年八十四竺譜入祀剡源先正祠

曹孝先字元思乾隆志忠子攻媿集官承直郎任楚州錄事

參軍寶慶元年乾隆志李全叛死之延祐志初全歸自山

東異心滋不可遏孝先糾郡山陽建明屯田欲挈之

以東征俾無居城中未報會全無厭之求弗嗾偽如

海州命劉慶福脅犯闔帥孝先聞變亟自簽舍趨庭

撫諭謂之曰有情欲陳當入文狀制置朝廷之制置
犯制置是犯朝廷汝不欲使李氏保其富貴哉其首
命部曲弗敢言制使許國得泛舟於楚臺以避既而
謹動射孝先中咽孝先拔箭叱曰誤李全斬東市非
汝而誰曹孝先決不求生許制使決不可殺鏃鏃交
集血流被體猶登子城求國謀焉血盡氣微國枕孝
先以輒而絕手蔽吭而不可折目怒瞠然亂軍取葦
燎於城曲全歸自海反哭而弔且斬麾下謝之事定
家人求骸弗可識漫號死灰覩縷煙冉冉繞諸孤發

剡源鄉志

卷九

人物傳一

十

之褐衲方尺儼不燬蓋內子所手成者遂得裹馳事

聞延祐志四家鉉朝廷贈通直郎官其子誥祠之

廟額旌忠高奎爲狀其行乾隆志崇祀邑鄉賢忠義孝

悌二祠又入祀剡源先正祠次子說別有傳

江孝廉迴曰鮎埼亭集以孝先爲放齋之子延祐
志以孝先爲放齋曾孫今以攻媿集攷之實放齋
之孫乃朝請君囡明所撫其幼弟之子也前二說

俱誤

陳德剛

通鑑續編
成化志

字應中

陳譜

伸子

通鑑續編
成化志

登嘉

定十年進士

據本堂集代弟觀謝解啓有曩從父嘗冠南宮於丁丑語此從父指德剛也

為秘書監

乾隆志

開禧十七年以戶部侍郎兼侍讀

通鑑

續編

理宗立遷工部尚書

嘉靖志

論濟王之冤忤史彌遠

罷斥

通鑑續編

為人醞正明決因史彌遠排陷濟王德剛

每以其冤責彌遠罷歸奉祠者十年彌遠罷

乾隆志

紹

定六年召除福建制置使兼知福州入對帝慰勞甚

至因問夾攻蔡州以復讎如何德剛曰在國家不可

一日忘此舉但恐此舉之後方煩聖慮耳帝曰朕與

廷臣深計之時不可失也德剛曰所謂時者人材資

剡源鄉志

卷九

人物傳一

十一

用無匱之謂陛下還有之乎帝默然

通鑑續編 乾隆志

端平

元年簽書樞密院事

通鑑續編

請復濟王官爵從之

嘉靖志

未幾罷

據本堂集有先人久館於外之句知德剛之知福州不過隨拜隨罷耳

友教四

方亦從久館於外

淳祐二年卒於家

據本堂

邵郎中明仲

銘其墓

本堂集奉文本心書

崇祀忠義祠又入祀剡源先正祠

子著別有傳

陳德毅寶祐二年察訪官吏於荆蜀江淮被黜者百十

七人

通鑑續編

孫中翰鏘案曰德毅疑德剛之弟俟考

康敬字彥中鄆茅山世宦裔也其伯兄敷奇剡源山水
購茂林通家張氏山窆乃考迪功郎維翰敬以成童
之年自扶柩至兆既葬別間泣曰吾不忍遠離吾親
也遂獨留廬墓讀書張氏嘉其孝且俊妻贅之因家
茂林爲奉化人其後子姓誦誦門昌資裕孝讓之風
藹然爲鄉族望

剡源集

年七十一卒

康嶺康譜

入祀剡源先

正祠

案康譜敬娶張欽之女高奧張譜以女許康敬
又案鄞志列爲元人誤

剡源鄉志

卷九

人物傳一

十二

單欽字崇道祖光喆父大年世醕儒

戴表元單君範墓誌銘

崇道

嘗與朱子友善世居溪上仲晦嘗過訪因名晦溪
入祀剡源先正祠子庚金別有傳

樊邦獲字君復康之次子幼卽端莊長而能立與乃兄
邦道博通經史樓宣獻鑰號爲連璧夫何言行孚於
里老而身名卒黜於有司邦獲處之泰然無怨尤惟
悴意寶祐元年卒年八十一子伯搗

陳著撰墓誌

別有傳

案查樊譜獲作逋

董天麟字應之號藥窗性穎悟氣爽豁讀書有根據爲

文若不經意而脈髓聯潤枝葉條鬯早歲從游及見諸老文憲時爲晚後鋪說見者心悚每大比咳唾所沾者多遇而已輒黜或歎嘖之其自處則泰然安居儋貧樂與朋舊接杯酒筋羹溪山勝處留連嘯詠明日事不暇問也中年多病閱岐黃書有得故自號曰藥窗陳著與天麟父執天麟折輩下交相答甚深非流俗詡詡笑語者比景定二年卒年七十七

陳著撰墓誌

董斗祥字長卿號梅簷風裁清甚平生不自炫曜口未

嘗言詩旣歿其子肖翁以詩一編示陳著云

本堂集

剡源鄉志

卷九

人物傳一

十三

案天麟斗祥兩人與本堂鄰里疑是斑溪人

張鍇字正甫居奉川之高峯立身不隨用心近古平居聲色不形意所欲爲條理自密宗族鄉黨一以和相接遇有違義勃然若已失起而正之惟恐不及羣從閒罹死誣事炎甚火烈無親疏皆辟易遠避鍇勇不顧身執理排解聞者歎服以爲難能里有遺藏金者萬計輒以屬之鍇俛而唾去此物何爲至於我清風到今懍懍丞相西澗葉公見所作每以遠大期之試於類宮多占首選郡博士欲屈致爲職事重笑謂階

以行志自有分內科目在安用此爲家左右佳山水
手植花木映帶老耕陸公爲扁其室曰梅坦江西倉
使黃國史震知其理學有詣虛臨汝堂長以聘時以
病不克行咸淳十年卒年六十四
陳著撰墓誌
入祀剡源
先正祠

曹說字習之

剡源集佚文

號約齋

本堂集

父孝先寶慶初歿於

王事

康熙志

說幼歲痛其父歿刺血書華嚴法華以報

恩

延祐志

時崇科舉學說以世家照映里巷則已罷舉

不治其說獨喜從方外隱逸之士若爲浮屠氏之法

剡源鄉志

卷九

人物傳一

十四

者遊遊必極意之所如於浮屠書閱之連晝夜不厭

察其心誠不盡溺於此蓋先薄乎在彼者不足樂而

逃之也性喜著書有家法

剡源集佚文

五經有解

延祐志

多

折衷舊說

清容集

注易最久每出疑義與戴表元商略

與人談皆江淮湖湘閒舊事或北方遺俗無一語涉

鄙俗氣其持已峻而不疏與人交恕而不污自三尺

之賤童一簞之糞夫苟以誠心來風雨急難不食其

諾至於非其道而卽之萬鍾之家不屑也

延祐志

嘗授

徒蔣園

全祖望湖語注

講經不窮

全祖望湖語

平生絕耆欲不娶

無子食不近葷血布袍紗帽以隱約自全於山林城

郭閒見人吃吃借書剡源集 佚文輒先請書目一閱即能

言其本末延祐志自餘一無所干於人其於世念微矣

人有與之反覆於廢興存亡之際則蹙然幾無所容

剡源集 佚文嘗戒學子絕人我則天理自著延祐志榜其所

居之齋曰泰宇鄉人尊其道不以爵貴而稱之曰居

士元至元十九年卒年六十二剡源集 佚文陳著有挽詩

本堂集從子夢合為行狀蔣堯仁為墓銘剡源集 佚文易解

為全書分辭象變占後為一儒所竊銜為已作貧不

剡源鄉志

卷九

人物傳一

十五

自給復鬻於松江某家詩文三十卷精潔可傳後延祐

志入祀剡源先正祠

馬之驥字千里居四明山中銳於親師取友涉經史穎

悟有得氣萃嶺無時世妝試輒黜曰是有命焉要不

在我暇日景物逢迎長歌短詠不以律自狹放乎游

戲皆具天趣山棚盜弄井里懍有魚肉憂仗義翦滌

事既畢泊如也若未嘗親其難者人德其勇晚年揮

手風埃黃雞白酒青鞵布襪與猿鶴爾汝綽有餘樂

元至元丁亥二十四卒年六十七陳著撰 墓誌

樊伯搆字謙齋邦獲子以賢才擢直學士院

本堂集

咸淳

末朝臣咸進遷避之策伯搆痛哭流涕以宗廟社稷

不可舍去反覆陳詞

陳桎樊伯搆文集序

其疏曰臣聞胡元猖

獩諸大臣咸進避虜之說臣竊以爲非也夫夷狄之患何代無之誠能堅我之所可恃而不撤彼之所可忌則敵不難於自退況今者胡人未必真能智勇不過乘勝猖狂耳淮東之壁尙堅閩廣之民無恙陛下宜速降明詔感激朝野臣民戮力同心以備戰守萬一有幸卽出淮師以截其後國是猶可爲也何圖計

剡源鄉志

卷九

人物傳一

十六

不出此而竟以退避爲上眞臣所不解也夫退避之說不自今日始也自變故以來我朝權蠹何嘗不以退避爲善策哉而抑不思退一邑則失一邑避一城則失一城往自汴梁避而淮揚而河北河南關陝失矣自淮揚避而江浙而京東京西失矣萬一敵騎南牧又將退避而何所乎臣讀先臣李綱之疏不禁痛哭而長歎者也不謂廷臣不知鑒戒而復有此議此臣所不解者一夫自汴梁失而避於淮揚自淮揚失而避於臨安今又因臨安逼而避於閩廣然自閩廣

逼將復避於何地乎此臣所不解者二況國都者宗廟社稷之所在也尤非其他郡縣之可比其他郡縣失郡不過一郡已耳失縣不過一縣已耳宗廟猶無恙也社稷猶未變也至國都一失則宗廟爲墟矣社稷成邱矣臣聞國君死社稷不聞其棄宗廟如之何其可避而去之也卽令社稷不足惜然天下後世謂陛下爲何如主乎此臣所不解者三且陛下獨不聞建炎之故事乎當時羣臣才識不遠導上泛海比金人東向而君臣無措徘徊於道路狼狽於明州奔走

剡源鄉志

卷九

人物傳一

十七

於翁象之間保棲於海島之中賴張俊諸賢高橋一捷而王師稍振斯時也微魏公之來宋之爲宋未可知也今復欲仍蹈故轍此臣之所不解者四夫人主者萬人之趨向也陛下卽令効死勿去尙恐不肖臣民或有攜貳之心而況鑾輿一出則守臣解體守臣解體則百姓倉皇百姓倉皇而鳥獸散耳夫國之所與圖存者惟此臣民耳臣民散而國其復得乎此臣之所不解者五區區之心伏願陛下明察斬首議之頭懸之藁竿示於要路聲其罪而振國威則三軍之

士不戒而氣自倍草野之夫亦聞風而義自向矣不然今日避而南明日避而東臣恐疲於奔命而喪無日矣嗚呼豈不痛哉臣非不知陛下順旨則喜逆旨則怒不逢喜而逢怒豈臣之情但義有不可事所當諫卽粉身闕下臣必不敢奉議謹拜疏以聞樊譜留中不發乃歸宋亡杜門不出元詔訪江浙人材魏天祐以名上伯搆作書力卻之陳序曰伯搆亡國之俘臣也前者謬廁掖垣奉職無狀退處山阿旣不能保國於在朝比及國喪又不克死節於家居眞天地間一罪

剡源鄉志

卷九

人物傳一

十八

人也然敢緩須臾之死者非偷生而希祿也蓋以罪人自處亦以廢人自棄更以老朽自恕也不謂閣下薦名上聞是何不察愚衷而刺謬之甚乎藐矣老倖遭邦不造每念及此未嘗不仰天椎心而泣血者也閣下乃以天命已去之談來相勸舉不耳之論愈足令人倍增悲悼耳蓋國家之廢興存亡固有天命而爲人臣者斷違其閒殆天下之名教賴以立後世之人心藉以正脫謂天命之已去而遂反顏事主無論異日無以見我王我后於地下卽今茲亦何顏面立

於大元之朝乎而況大元亦何藉有此二心之臣也
昔人娶婦之喻閣下詎不聞之乎故武王不沒夷齊
之義漢高不屈四皓之高良以人各有志毋相奪也
今日者使俘臣得棲遲剡水優游歲月以終天年則
俘臣雖不見用於大元而大元惠及於俘臣與俘臣
之受知於閣下亦已厚矣不然必欲如前書之言使
伯馮委贄爲臣則俘臣惟有如魯仲連蹈東海以死
耳閣下其奈我何哉書到敬候斧鉞樊譜日與陳著單
庚金戴表元登高賦詩不勝離黍國風之悲陳序至元

剡源鄉志

卷九

人物傳一

十九

三十年卒年八十四

樊譜

有詩文十卷

剡川詩鈔

入祠剡源祀

先正祠

案據陳桎樊伯馮文集序有同里忠節樊公之文
之句是忠節爲伯馮之諡

陳著乳名必大

本堂集

字子微一字謙之號本堂德剛子

六歲能文

成化志

自爲舉子時文聲獵獵日起諸公爭

致之授簡客右研墨盾鼻出語往往驚其坐人

蔣巖撰本

堂集

寶祐四年進士

寶慶志

時方尙駢儷稱頌伊周擬

方孔孟上之人受之亦不辭著下筆一掃諛風莫不

根於理而趨於古抽黃對白之習為少變序 蔣初監饒

州商稅乾隆志謂調光州教授者誤也光州屬河景

定元年任白鷺洲書院山長文 集二年相國吳潛以著

才可大用薦於朝時賈似道當國諷其及門著曰甯

不登朝不為此態遂出為安福令嵯 縣 志旋監三石橋

酒庫為湖南帥準四年除著作郎似道賣公田於浙

西著上疏曰似道居外閫則志在欺君處端揆則務

於瘠民未有將相如此而能致隆平者乞罷賣公田

斥逐似道庶可以救國安民似道怒出知嘉興成 化 志

剡源鄉志

卷九

人物傳一

二十

徐經孫條其害亦致仕其所舉陳茂濂聞經孫去亦

謝事歸時稱三烈秀 水 縣 志咸淳四年改知嵯縣先是宗

室外戚有居嵯者持一邑權前令率被譴去闕令者

十有七年且布黨僻地剽絜行人役於家及造白契

占人田產著至政教竝舉獨持風裁諸豪乃斂戢民

賴以安紹 興 府 志在嵯四年遷通判揚州去民乞留不得

祖帳遮道數十里至城固嶺鄞 志 案 蔣 傳 錢 志 作 固 嶺 放 嵯 縣 志 陳 公 嶺 在

縣 東 七 十 里 舊 名 城 固 嶺 則 作 固 嶺 誤 宋 元 學 案 作 城 國 嶺 更 誤 案 本 堂 集 有 解 剡 回 家 過 陳 公 嶺 五

律 剡 民 望 回 再 回 剡 宿 陳 公 嶺 七 律 則 知 嶺 本 名 陳 公 非 因 本 堂 之 去 任 而 改 名 陳 公 也代者李

興宗問何以教我著曰義理明而取予當教化先而
獄賦後識大體而用小心愛細民而公巨室如是而

已嵎縣志八年改臨安簽判轉通判擢太學博士本堂集

十年賈似道歸越治母喪鄞志原文作咸淳元年攷宋史本紀咸淳十年賈似

道母喪起復視事則元年當係十年之誤故改正之詔以天子鹵簿葬之起墳

擬山陵著率諸生上疏切諫以為自古未聞有如此

者不聽似道銜之比還朝欲遠竄著上不可成化志後

以監察御史知台州蔣傳除秘書監不就康熙志著為人

抗節不屈成化志雅操足以厲俗讜論足以匡政而卒

剡源鄉志

卷九

人物傳一

二十一

阨於枋臣不得大用陳旅歷代紀統序時試士著預參文衡

得一策痛陳時事持白其長宜置前列聞者為瑟縮

而掩抑之著每對人道其屈氣拂膺未幾國事非矣

蔣序宋亡避兵遷徙流離困頓蔣傳者五年文集感慨君國

時事見之詩文蔣傳元至元壬辰縣尹丁濟以著先朝

宿望聘修縣志至元志有歷代紀統陳旅為之序今無傳本本堂

集九十六卷光緒癸巳內翰孫鏘暨裔孫育姜刊行於世挾其耿介之氣

發為雄深之文巋然獨立皓首不變其文宜為制誥

止用之書檄牋啓宜被金石徒見之深山窮谷佛老

之廬每俯仰古今感觸風景以抒其黍離麥秀之悲

序 蔣 其集中稱述輔潛菴之說蓋亦為輔氏之學者

宋元

學 案 大德元年卒年八十四

其子深跋至德觀記成化志康乾二志作八十者

誤 崇祀邑鄉賢忠義孝悌二祠入祀剡源先正祠子

深沆洵泌 孫內翰鏘本堂諸子考錢曉徵鄞志辨證云成化志言子宓亦有文名攷本堂四子

深瀾洵沆 無名宓者新志案云本堂有泌生日詩有

次兒泌韻詩陳旅安雅堂集明言著幼子泌舊志以

泌為宓不過筆誤而辨證竟以幼子為沆則何據乎

字汝沆又有名幼子泌字汝泉說幼子及冠易名曰

初瀾本名麟洵本名都湜本名四朝別有幼子名泌不

剡源鄉志

卷九

人物傳一

二十一

待言矣今集中附錄有剡源九曲圖記係陳沆作注	云送兒沆再之婺送兒沆赴台州學錄送兒沆再之	有送兒沆再之婺送兒沆赴台州學錄送兒沆再之	台學送兒沆再之婺送兒沆赴台州學錄送兒沆再之	本堂子不誤特不當謂是幼子耳附錄又有陳氏蕃	衍擬命序係陳洽作注云汝都官越州提鎮本堂	子而集中有送洵之越一詩則洽為洵之改名又可	知矣又集中有祭朝兒墓文朝兒哀辭等篇書簡中	往往言丙子丁丑間失一最小子則湜已不在數中	新志何云湜改名乎且自引有泌字汝泉說一篇何	知泌為湜之改名乎新志又引奉化縣志謂既以泌	為著子而其兄復有沆其弟且有漢更出於譜牒之	妄此亦誤也夫沆即瀾為之仲兄在是惟顯有可	證漢之名不見於集而奉化舊志特渾言之惟檢之	袁清容所作陳觀墓誌知漢係觀之子觀以咸淳十	年進士官新城尉集中稱為族弟則漢又明是太	堂之族子也江孝廉迴案曰本堂集載有謝賈太	傳啓而諫公田諸疏反遺焉自是一重疑案至其子
----------------------	----------------------	----------------------	-----------------------	----------------------	---------------------	----------------------	----------------------	----------------------	----------------------	----------------------	----------------------	---------------------	----------------------	----------------------	---------------------	---------------------	----------------------

淪改名沆洵改名洽校錄之說詳矣然沆之名屢見於集中而洵至官越時尙未改名此後亦終未道及僅於附錄中見之恐未足據蓋淪洽音類差同洵之改名卽在淪既改之後亦不宜取與淪同音之洽附錄中洽字當係洵字之訛攷乾隆志亦作深沆洵則知淪爲沆而洵未必敢爲洽也 各有傳

單庚金字君範欽子庚金

戴表元撰墓志

少承家學克自勉勵

嵎縣志

初與戴表元俱以詞賦行州里間旣一再不得

志於貢舉卽去而他遊咸淳庚午漕運使者以名聞

明年竟守母喪居廬甲戌就南省試見黜遂歸 墓志 宋

亡絕意仕進崎嶇山谷尋幽搜僻 乾隆志 居剡源晦溪

山中者三十年日夜取古聖賢經傳遺言洗濯磨治

剡源鄉志

卷九

人物傳一

二十三

家無贏餘口不道營殖面不帶憂恤飲水茹蔬客至清言款接忘倦蓋眞以德義自給者其書已脫藁有春秋三傳集說分紀五十卷用呂氏程氏所纂自左氏公羊傳穀梁傳以來諸家之異同定於一書後學得以依據又解春秋正經題爲春秋傳說集略者十二卷又讀論語去取諸儒本題爲增集論語說約者若干卷雜著五七言詩擬古樂府題爲晦溪處士餘力藁者又若干卷大德乙巳 九年 卒年六十七 墓志 入祀剡源先正祠

陳觀字國秀

袁棟撰墓誌

一字達觀

據陳本堂集

祖自強祖母戴

氏以節著父銓著族弟能詩觀登咸淳十年進士著
倅貳臨安觀館於其家時父銓亦在館其兄復賀其

父人咸榮之

墓誌

爲新城尉宋亡不仕

據陳本堂集

其爲人

不自矜褻接幼待賤謙挹愈加混迹蒿翳不知其爲
故官晚歲足不入城府州爭迎致率諸生以請業觀
一至卽謝去徜徉巖壑侍博士窮幽挾奇連唱屬和
有帙曰棣萼集其自爲詩文曰竅蚓集嵩里集延祐
五年三月疾忽作猶力書中庸一章以授子漢卒年

剡源鄉志

卷九

人物傳一

二十四

八十一

墓誌

入祀剡源先正祠漢別有傳

陳苴字楚秀號梅山觀之弟能詩尤善畫梅其族兄著
有代詠梅畫十景一先春二古枝三宜月四臥煙五
依松六依竹七雪裏八風前九飛花十結實著又作
梅山記跋苴梅軸曰骨聳神清垂髻已游戲硯席比
長嗜吟餘興輒信筆成山水木石多得古意年來天
地大變逃難深密者久驚塵小息下山相勞苦忽袖
而梅而畫而詩者一軸以示世之人方顛冥酣溺與
蜂蝶爭桃李爾乃於山之巔水之涯飯脫粟羹藜藿

獨注意於梅梅之物天清月明風度凝遠如宋廣
平在開元太平疏籬敗垣精神自足謝安石在江左
鎮危亂江空歲晚 摧雪壓凜凜然氣骨彌勁如巡
遠魯公兄弟臨大難立大節嗚呼廣平不得而見見
安石斯可矣安石不得而見見巡遠魯公兄弟斯可
矣而又不得而見見之者惟梅在也因取而爲畫爲
詩詩云詩云畫云乎哉畫云畫云梅云乎哉亦善畫
鷺著又爲之書跋

本堂集

張光遇字子華高畧人能詩陳著有次韻中秋感時詩

剡源鄉志

卷九

人物傳一

二十五

九日長詩七夕詩又有書所藏錢穆父孫莘老二帖

本集堂

張先遇字子開太學上舍泉州教授

康乾二志

能詩陳著有

次韻喜雨詩子試晬詩遊仗錫寺偶成詩

本堂集

戴廷節字成叔雪溪居士之後能詩陳著有次韻詩十
首

戴方字時芳實興字時可公棠人陳著避難西阮兩人
載酒勞著以詩道其意

長男文衡校字